

Q. D. B. V.

DISSERTATIO MEDICA

DE

EMOLUMENTIS  
IN GENUS HUMANUM EX  
VARIOLARUM INSITIO NE  
FLUENTIBUS

QUAM

CONSENTIENTE

GRATIOSA FACULTATE MEDICA

*ARGENTORATENSIS*

PRO LICENTIA

GRADUM DOCTORIS

RITE OBTINENDI

SOLEMNITER ERUDITORUM EXAMINI SUBJICIT

*DIE VI. AUGUSTI A. R. S. MDCCLXVIII.*

FRANCISCUS ANTONIUS HERTZOG

BARTENHEMIENSIS-ALSATA.

H. L. Q. C.

---

*ARGENTORATI, Imprimebatur IN OFFICINA KÜRSNERIANA.*

THE UNIVERSITY OF CHICAGO  
LIBRARY

1911  
JAN 11 1911

THE UNIVERSITY OF CHICAGO  
LIBRARY

1911  
JAN 11 1911

THE UNIVERSITY OF CHICAGO  
LIBRARY



*S E R E N I S S I M O*

*A C*

*R E V E R E N D I S S I M O*

**LUDOVICO**

**RENATO**

**EDUARDO**

**PRINCIPI**

**DE ROHAN**

**EPISCOPO CANOPENSI**

*E M I N E N T I S S I M I*

**CARDINALIS CONSTANTINI**


**PRINCIPIS**

**DE ROHAN**

EPISCOPI ARGENTINENSIS  
COADJUTORI  
PATRIÆ ET ECCLESIAE  
DELICIIIS  
A C  
ORNAMENTO  
SUMMO ARTIUM NUTRITORI  
PRIMOS STUDIORUM SUORUM CONATUS  
IN PATRONUM  
OPTIMUM CLEMENTISSIMUM  
GRATÆ ET DEVOTÆ MENTIS  
PIGNUS

*Humillime offert*  
FRANCISCUS ANTONIUS  
HERTZOG.





# I.



Nceps per diu hærebam, quodnam pro debitis solvendis theseos subjectum seligerem & Varia mihi pervolvendi nullum videbatur meis concivibus utilius, quam variolarum insitio. Sed densa scriptorum nubes & pro, & contra prostat; nec sane junioris medici est, tantas componere lites. Cum verò quidquid in me virium est in concivium meorum salutem consecrare decreverim, nihil antiquius duxi, quam statim in primo praxeos limine illud rimari inventum, quod ab aliis generi humano perniciosissimum, utilissimum ab aliis declaratur.

## §. II.

Insitionis ergo secutus historiam vidi, quod nulla sit mundi pars, ubi suam non fixerit sedem; quod nulli hucusque terræ fuerit commissa, quin suos ibi salubritatis fructus abundè produxerit. A rudiori hominum fæce inventa, sine ulla ferè arte prius culta, saniorum tandem in se oculos traxit; & nulla hostium innumerorum habita ratione firmo ubique stetit talo; lente quidem, continuo tamen sese propagavit. Communem optimis, quæ in homi-

A

num



num salutem possidemus, armis experta est sortem; quo magis ab aliis fuit laudata, eo audaciores in illam insurrexerunt antagonistæ. Quam volupe hic foret, ejus vobis per innumeras successive regiones exhibere & bella, & triumphos! quia vero celeberrimus de la CONDAMINE (a) nihil fere circa ejus historiam desiderandum reliquit: totam velim consideretis angliam; quid sagax illa & belliciosa gens contra eam intentatum reliquit? quo magis autem in eam invexerunt; eo nobiliores inter illos reportavit victorias. Ex eadem cathedra, qua prius diabolicum inventum fuit declarata, aliquot post annis ejus cecinere triumphos, (b) de die in diem crevit inoculationis fama, ita ut nullus hodie anglus, nisi celato vultu, ejus se hostem dicere audeat. Nondum eo processit in gallia & germania; maximæ auctoritatis viri eam penitus vellent extirpatam; frustra suis adversariis clamant variolarum insitores, inoculationis commodâ vix satis laudare possumus, venite, videte; testes rejiciunt, videre recusant. Qui parisiis in eam insurgunt, quarunt sua arma apud germanos; austriæ viennenses apud gallos; nulli in sua urbe, nulli per suam experientiam: & quod risum magis movet, egregios hos viros si audias, nihil hoc invento perniciosius & byzantinis, & anglis &c. contingere potuerit; cum tamen omnis byzantina urbs, omnes uno ore angli in ejus erumpant laudes, & hi quasi nati gallorum hostes, de eorum cæcitate sibi gratulabundi, sequens Virgilii dictum aperte protulere... Dii meliora piis, erroremque hostibus illum. (c) Verbo laudatur variolarum insitio ubi est, vituperatur ubi non est. Sepositis ergo præjudiciis, neglecto verborum & nominum sonitu, rem ipsam perpendamus.

Inqui-

---

(a) Vid. *Mémoires de la Condamine lus à l'assemblée publique l'un le 24. Avril 1754. l'autre le 15. Novembre 1758.*

(b) Vid. *Mémoires de la Condamine*; Vid. *Recueil des pièces concernant l'inoculation.*

(c) Vid. *Mémoires de Mr. de la Condamine.*

Inquiramus in variolarum lethalium fontes; videamus num eos rite avertat prudenter instituta variolarum insitio. Præcipuas postea, quæ contra eam fiunt, objectiones rimemur: patebit exinde, quam male apud nos fuerit hucusque neglecta.

### §. III.

Crudeli profecto rabie in genus humanum furit variolarum virus, ipsa quodammodo peste perniciosius; pestis enim suum furorem in certas solummodo gentes exerere solet, si in aliis hinc inde regionibus sævit, id non nisi longo annorum intervallo contingit; virus vero variolosum per totam orbis superficiem sese diffundens, sæpius recurrens, quartam hominum partem destruit, mutilat, aut defigurat. Non ubique tamen, non semper, nec apud singulum, æqualem exercet furorem. Unde ergo ejus malignitatis (d) varietas? A vario forte virus; a varia corporis conditione; à varia aëris constitutione; à permultis, quæ corpori, suscepto jam contagio, morbo vero nondum præsentem, contingunt. Singula hæc ordine rimabor, & quomodo ipsis obviam eat variolarum insitio prudenter instituta, docebo.

### §. IV.

Paucissimis ( si quosdam reperire est ) exceptis, omnes nascimur ad virus variolosum dispositi; quid vero sit illud virus, quænam ejus natura, quid hæc in nobis dispositio, in solidisne an in fluidis consistat; quomodo hujusce veneni guttula sese in corpore tam mire multiplicet; hæcce omnia me ignorare, libenter fateor. MORTONIUM (e) si audio, prout venenum illud magis vel minus

A 2

dele-

(d) Nolo hunc terminum sensu in medicina assumpto intelligi, per malignum idem intelligo ac pessimum, & lethale.

(e) Tractatus de variolis.



deleterium est, eo magis vel minus pessumdat, aut læcessit, aut interturbat; MEADIO (f) vero id virus ad varium morbi genus producendum haud magnum videtur habere momentum: sæpissime enim, inquit, in eadem familia, ubi tetra hac lue sæviente, alii ab aliis vi contagionis corripuntur, his bene, illis male rem cedere, percipimus. Utut autem se res habeat; hoc evidens est, quod virus a subjecto discretis, benignis variolis decumbente, nulloque alio morbo laborante, desumptum, non possit non esse (si ita loqui fas est) benignum; ergo primum malignitatis fontem avertit prudens variolarum infector.

### §. V.

Nullum novimus morbum, qui adeo pro varia fluidorum ac solidorum corporis nostri conditione variet, quam morbus variolosus: solam velim consulatis experientiam, optimam rerum magistram. Dum corpus subiit variolosum virus, nisi peculiaris obstet diathesis, cor & vasa stimulando, humores modo nobis incognito cogit, unde horror, rigor, calor, febris, & cætera oriuntur symptomata, quæ morbum inflammatorium denotant; unde BOERHAAVIUS, (g) morbus ille affinis omni morbo acuto inflammatorio; difficulter in hoc statu (de statu contagii loquitur) ab eo distinguitur. SYDENHAM, h) est inflammatio tum sanguinis, tum reliquorum humorum, sed inflammatio sui generis. Iterum BOERHAAVIUS, (i) secundo, tertio, vel quarto die emissus sanguis instar pleuritici & inflammati cernitur, eo plus, quo plus durat, & vehementius furit malum. Hinc patent in fortiori morbo dolores nephritici, rheumatici, colici, pleuritici, ortopnoia, coma, phrenitis &c.

Virus

---

(f) De natura & generibus variolarum.

(g) Aphorismo 1387.

(h) De variolis regularibus.

(i) Aphorismo 1384.



Virus ergo variolosum morbum inflammatorium producit, hinc enormes illæ turbæ in plethoricis, colericis, in illis omnibus, quorum sanguis liquoribus ardentibus, ingestis aromatibus, animi pathematibus, &c. ad orgasmum dispositus est; his, nisi in primo jam morbi stadio succumbant, quod adolescentibus & ætatis flore vigentibus quandoque accidit, (k) his inquam, non unam aut alteram hinc inde pustulam erumpere vides; sed pro inflammationis intensitate densior erit pustularum numerus, tota facies tumore quodam erysipelatofo, nullo fere visibili pustularum discrimine contegitur; inde nimium irritata cutis constringitur; supprimitur transpiratio; maxima ponitur circulanti sanguini resistentia; quanta anxietas! Quantum apoplexiæ periculum! Circulat cum massa humorum tum id, quod præ nimia abundantia ad peripheriam ferri non potuit virus, tum non parum ex illo, quod sub cute hærens iterum absorbetur; unde febris continuat, intenditur, viscera inflammantur, resolvuntur humores, corrumpuntur & quæ data porta erumpunt. Hinc pessimas videre est dysenterias, hinc mictus ille cruentus, illa hæmoptoes, quibus SYDENHAMUS nullam invenire potuit medelam. Sed esto, omni sua arte adhibita sanguinis dissolutionem cohibeat medicus, ad undecimum usque diem ægrotum perducatur; quam horrendum & sibi, si visus non denegatus, & circumstantibus spectaculum offert ægrotus! densa pustularum congerie totus contegitur vultus; aëri per nares occluditur via; aperto & stertente ore vix spiritum trahit; collabatur nigrae faciei tumor; spissioris factæ salivæ supprimitur fluxus; intus & extus uritur æger, ingenti siti in potulenta fertur, quæ vix ore assumpta præ dolore, præ suffocationis periculo rejicit; voce rauca crudele tormentum exprimeret, nisi vox faucibus hæreret; somnolentia, stupore correptus, vi morbi undique oppressus, in hujusmodi agone ad plures ut plurimum migrat.

---

(k) SYDENHAM de variolis regularibus.



Videas hunc puerum , quem tenera adhuc ætas , animus ab omni discrimine remotus , totusque corporis habitus ad variolas perferendas declarant aptissimum : verbo , nihil in illo peccet , si sordes in primis viis excipias ; febris ardore hæ sordes corrumpuntur : hinc nisi salutaris succedat diarrhœa , non miraberis varias & in primis viis & in encephalo oriri turbas ; non miraberis , si quæ alias valde benignæ fuissent variolæ , imo quæ per aliquot jam tempus benignam præ se faciem ferebant , orco breviter tradunt delirum , orthopnoicum , tympaniticum , cum foetida diarrhœa , pulsu abnormi , integra virium prostratione.

Quam pessime a variolis tractantur , qui prægresso gravi morbo , nimia quadam evacuatione exhausti sunt , quorum vires tristis prosternt idea ! quod debili vi ad peripheriam propelli potuit virus , crudum quasi & incoctum sub cute per aliquod tempus hæret , iterumque resorbtum , junctis cum restitante in visceribus veneno viribus , languentis vitæ filum abrumpit.

Hæc gravida variolis afficitur , crescunt pustulæ , maturescunt , maxima reconvalescentiæ spes affulget ; oritur febris suppuratoria , abortum patitur mulier . corruunt illico vires , exanthemata subsidunt , fati cum suo fructu cedit.

Pulcherrimam puellam jamjam nuptiarum solemnia celebraturam corripunt variolæ , prospere procedunt omnia , cum pro dolor ! subito copiosi nimis erumpunt menses , vires prosteruntur , pus ad interiora vergit , & quæ adeo metuebat , ne tristi quadam deturbaretur cicatrice , nunc pallida , nigra morte defigurata jacet.

Quam periculosæ plena res alexæ est , si virus variolosum sanguinem acrimonia scorbutica , venerea &c. infectum subit , sed ne his longius immorer ; noyimus omnes , quod crescentibus annis  
crescat



crescat a variolis periculum : in ætate maxime florida nos invitos tumultuosa exagitant animi pathemata , & eo plura morborum semina colligimus , quo minus nobis pereundum esse credimus ; præterea nobis a variolarum veneno eo magis est timendum , quo sanguis exæstuans stimulo ferendo magis impar.

Adultus ob rigidiores fibrarum texturam , globulum sanguinis spissiore , quid habet , quod a variolis non metuat ? frequens , durus , plenus , qui inde exoritur pulsus , cita , ardens , laboriosa respiratio , calor maxime intensus , flammea urina , fitis inextinguibilis , capitis , dorsi , renum & lumborum dolor valde acutus satis superque inflammationis intensitatem declarant ; hinc juxta celeberrimum de HÆNIUM & plures & pejores oriuntur variolæ ; præsertim ( ipsa ejus verba sunt ) cum motus violentior excitatus pluribus pejoribusque variolis producendis aptus est. (1)

Tremulus debilitate senex , qui omnia rigidiora habet , cujus in cute pori vix non omnes sunt deleti , qui sanguine valde impuro laborat ; nonne eo certius variolis perit , quo diutius ab illis vixit immunis ?

Variolis è contra afficiatur corpus quoddam puerile , quod dentibus jam eruptis , genere nervoso magis firmato gaudet , cujus primæ viæ nullis fordibus inquinatæ , humores blandi sunt , iique non turgent , in quo nulla stabulat hæreditaria labe ; quid tum ? post aliquas agritudines , horrorem , calorem , febrem , capitis & dorsi dolorem & alia forte haud magni momenti symptomata , erumpunt pustulæ phlegmonosæ , parvæ , distinctæ , in facie prius , dein in reliquo corpore : quo facto , dicta symptomata cadunt ; interim sine tumultu adolefcunt pustulæ , maturefcunt , exsiccantur , decidunt : & quicumque ad talem ægrotum advocatur prudens medicus , eo melius cum illo agi , quo minus agatus , statuet

§. VI.

---

(1) de HÆNII methodus medendi. de variolis.



§. VI.

Nonne ex dictis evidenter elucescit, quod ad varium variolarum genus producendum, quamplurimum faciat corporis conditio? Quod ratio docet, quod auctorum fide dignorum observatione compertum est, id non negant infensissimi inoculationis hostes. (m)

§. VII.

Quæritur ergo utrum variolarum infertor eas possit evitare Circumstantias, eas semovere corporis conditiones, unde variolarum fluit lethalitas; hoc magni sane momenti problema invitus ferre sol-

(m) Vid. Mr. Cantwell tableau de la petite verole p. 49. Ceux, qui sont beaucoup phlegmatiques, qui ont les fibres molles, laches ou foibles, les enfans ou les femmes hors de l'état de grossesse risquent moins, que ceux, qui ont les fibres serrées, fortes & elastiques, que les vieillards, les hommes faits, la jeunesse bouillante, ceux, qui mangent beaucoup de ragoûts, d'épicerie, & qui font un grand usage du Caffé, que ceux enfin, qui fatiguent beaucoup, & qui travaillent journellement, ou qui prennent de violens exercices: & ibidem p. 5 elle est généralement plus benigne dans les campagnes, que dans les villes; chez les pauvres, que chez les riches; dans la premiere jeunesse, que dans les adultes; & ceux, qui sont avancés en âge; chez ceux, qui vivent frugalement, que chez les personnes, qui se nourrissent le plus délicatement, ou font toujours bonne chere. Elle est plus meurtriere lorsqu'elle se trouve compliquée avec quelqu'autre maladie epidemique comme fièvre maligne, putride, catarrhale, vermineuse, ou pourprée, fluxion de poitrine, pleuresie, peripneumonie, ou angine, que quand elle est seule. Elle fait beaucoup de ravages chez les scorbutiques, les pulmoniques, les galleux, les dartreux, les bilieux, les hipocondriaques, les femmes enceintes, ou réglées avec excès. Et chez tous ceux, qui ont le sang fort âcre, de quelque espece, que soit l'acrimonie. On a remarqué, que le temperament de chaque individu, un sang épais & serré &c. n'ont pas moins de part, que la Contagion même à la production des differens symptomes, qu'on observe dans la petite vérole, qui devient par là plus ou moins dangereuse, discrete ou confluyente, maligne, pourprée, gangreneuse ou sanguinolente.



re solvit de HÆNIUS; novit scilicet egregius ille vir, variolas esse morbum inflammatorium, cujus ea est natura, ut critica depositione ad cutim terminari soleat; novit præterea totum morbi decursum eo minus esse periculosum, quo stadium contagionis minus fuerit tumultuosum & eruptio facilior; hinc sequentem posuit regulam ... remedia conveniunt antiphlogistica, alvum leniter subducentia, nitrosa, enemata similia, tum pediluvia, semicupia, aer humidus & temperatus, ut totus homo, quoad ejus fieri potest, laxetur & emolliatur; utque undique ablata resistentia eruptio materiæ variolosæ fiat ad cutim commodissima: pro ratione febris venæ sectiones repetuntur. (n) Novit ergo egregius ille vir, quænam corpora ad variolas perferendas sint aptissima; novit quomodo pravæ conditiones removeri, aptæ & idoneæ acquiri queant. Id quod subito & plerumque sero nimis intendit de HÆNIUS, hoc prudens inoculator eo certius, eo securius præstat, quo lentius ipsi agere licet.

### §. VIII.

Rem altius sed & simplicius rimemur. Rei medicæ peritus variolarum infertor corpus inoculandum rite examinat: si illud valde debile, irritabile, fibræ nimium laxis instructum deprehendit; chalybeatis, cortice chinæ, frictione, exercitatione nimiam minuit irritabilitatem, debitum fibræ robur conciliat, antequam virus illi insinuat; si videt alium strictiori solidorum compage præditum, cujus densa nimis & rigida cutis erumpentibus variolis nimium resistere queat; hunc diætâ relaxante, balneis tepidis, vapore calidæ emollit: si pulsum plenum, fortem reperit; venæ sectione, quod nimium sanguinis est, detrahit, vires vitæ nimias infringit; sanguini spissiori diluentibus saponaceis debitam fluiditatem conciliat;

B

liat;

---

(n) de HÆNII methodus medendi: de variolis.



liat: si quas in primis viis stabulare fordes cognoverit; iteratis, si necesse est, purgantibus eas eliminat; vermes, datis appropriatis medicamentis necat, expellit: capitis dolori, narium hæmorrhagiæ expositum quemdam noverit; tunc pediluviiis, clysmatibus &c. ad inferiora humorum motum determinat: violentis exercitiis exhausti homines quieti indulgeant & debita diæta amissas recuperent vires; qui prægresso gravi morbo, sive evacuatione quadam nimia debilitati languent; & motu corporis & appropriatis alimentis sensim sensimque auctis roborentur, antequam ad inoculationem admittantur: quorum sanguini copiosus aromatum & coffe usus acrimoniam affricuit; tam diu diluentibus, demulcentibus utantur, donec id acre sive expulsum, sive ita dilutum aut involutum est, ut nocere amplius nequeat: qualicunque demum acrimonia cujusdam sanguis affectus est, corrigatur; qualicunque quis morbo laborat, curetur, antequam inoculetur: si vero morbus est incurabilis; suæforti relinquatur æger; nihil ipsi dat, nihil aufert nostra methodus. Nunquam gravidis, nunquam puerperis, nunquam instantibus mensibus virus inferatur; sed aliquot post partum septimanas, sed uno aut altero die post effluxos menses: quia pueros & foeminas, quibus humores diluti, blandi, fibræ laxæ sunt & molles, per naturam variolis facile perferendis paratos esse novimus; hinc patet, alios eo diuturniori indigere præparatione, quo solida eorum & fluida a puerorum & foeminarum solidis ac fluidis magis differunt; quia novimus benignius cum illis agere variolas, qui in libero aëre vitam degunt, quorum mensis præsidet temperantia. hinc antequam quis virus suscipiat, prius in aëre puro ac libero ambulet, cibis moderate utatur, iisque utatur cibis, qui digestu sunt valde faciles, qui nullam sanguini nocivam acrimoniam affricare, sed eum potius leni sua acescentia ab illa, in quam continuo vergit, putredine defendere valent. Quia infantes præ adultis variolas facilius ferunt; hinc ab anno ætatis quinto ad duodecimum, vel decimum tertium usque inoculatio præcipue celebretur; sic præcavebitur, ne erumpentibus variolis dentes simul erumpant, & infantes



fantes abripiantur convulsione, cui tenella hæc ætas adeo solet esse exposta; in hac quoque ætate nullus a menstruo fluxu metus; sanguis vitioso vitæ regimine nondum est depravatus; animus insuper ab omni periculo solet esse remotus, quod tanti in omni morbo faciendum. Ex dictis fluit; primo nullam dari in præparando corpore regulam generalem; secundo variolarum insertorem eo fore felicior, quo œconomiam humanam penitus fuerit scrutatus; quo in cognoscendis aliis Morbis fuerit magis peritus; tertio denique fluit problematis propositi solutio; notum enim est, qualis & solidorum & fluidorum constitutio variolis feliciter perferendis sit magis apta; & probatum est, quod, solis incurabili morbo laborantibus exceptis, omnes reliqui, qui a dicta constitutione recedunt, eam debita præparatione acquirere, vel saltem, quod satis est, ad eam accedere, queant. Quis ergo non videt, quantum ab hac methodo bonum in genus humanum redundet?

## §. IX.

Tantis in nos beneficiis nondum terminatur inoculationis liberalitas; alia & horrida magis avertit mala; alium & quidem pessimum malignitatis fontem alienat. Quis ignorat, quantam in malignis variolis producendis vim habeat aëris constitutio? ut enim taceam crudeles illas epidemias, quas certis anni tempestatibus observarunt auctores; ut alto silentio premam anomalas illas variolas, quas egregius SYDENHAM (o) adeo graphice descripsit, ut & illum, cui robur & æs triplex circa pectus esset, horrore percuterent: nonne aër frigidus & ficcus fibras rigidiores reddendo, sanguinis spissitudinem augendo; transpirationem supprimendo, inflammationem reddit fortio-  
ficilio-

---

(o) Variolæ anomalæ annorum 1670, 71, 72.

faciliorem, regressum variolarum faciliorem? nonne aër humidus & calidus tonum partium dejiciendo, omnia ad putredinem disponendo, pessimas reddit variolas? nebulosus ille & frigidus aër transpirationem supprimendo, propriam forte acrimoniam humoribus insinuando, nonne veneno varioloso suppetias fert, quo gravius nos aggrediatur, catarrhum certe & coryzam producendo efficit, ut pulmones, fauces, os & nares crudelius a variolis afficiantur: in tali præsertim aëris constitutione crudas illas, crystallinas & indigestas variolas observavit HUXHAM. (p). Idem angliae HYPPOCRATES, (q) post diuturnos & intensioris syrii ardores, post rigidum nimis & siccum & diutius protractum frigus vidit nigras, confluentes, pauca vel nulla salivatione stipatas variolas. Quantum ergo a genere humano merebitur ille vir, qui sub ea præsertim anni tempestate, sub illa aëris temperie variolas excitare noverit, ubi nihil maligni ab aëre timendum? id, benevole lector, id præstat prudens variolarum insertor; si enim nullus regnat morbus epidemicus, qui variolis junctus eas reddere possit periculosiores; si aër est temperatus, qualis vere & autumno esse solet, quid, quæso, tunc maligni variolis conciliare potis est?

## §. X.

Sed licet nihil maligni, nec in ipso veneno, nec in aëre deliteat, licet corpus eo momento, quo virus suscipit, egregie sit dispositum, eo tamen tempore, quo virus in corpore latet, varia committi possunt, quæ pessimis variolis ansam præbeant; licet enim id venenum sanguini commixtum non penitus quiescat; sed sensim sensimque vires suas exerat; quinque tamen, sex  
vel

---

(p) Vid. *Essay sur les différentes especes de fièvres par Jean Huxham* & traduit de l'Anglois par Messieurs Eidous & Lancry.

(q) *Ibidem.*



vel septem ad minimum dies hostem in sinu fovemus inscii; hinc nemo non videt, quam crudelia in se arma ipsi præbeat, qui violentis exercitiis corpus fatigat; qui liquoribus ardentibus indulget, qui cibis digestu difficilibus, copiosis, acribus corpus replet; qui variis exagitur animi pathematibus; qui in venerem pronus ejus castra assidue frequentat &c. omnia hæc egregie removet, qui inoculationem admittit; novit momentum, quo virus suum sanguinem subit; novit diem, quo febris exsurgere, exanthema apparere solet; hinc omnia, quæ nocere valent, nisi suus ipse hostis est, diligenter evitat.

### §. XI.

Adde denique, quod non nihil commodi ex ipso veneni insinuandi modo fluat; ut enim cætera taceam, hæc videtur hujus veneni natura, ut illum præcipue locum afficiat, per quem sanguinem subit; hinc in variolis naturalibus non nunquam, ubi res omnis in vado creditur, subitanea morte necat; inspiratum enim teneram pulmonis texturam, deglutitum sensibilem adeo ventriculi & intestinorum fabricam nonnunquam lædit: in artificialibus vero ad partem carnosam, minus sensibilem, vitæ non necessariam, oculis medentis expositam transfertur mali fomes: facta prius perlevi incitura, sive ablata parvo vesicatorio epidermide, virus applicatur; brevi postea is locus inflammatur, pustulis nonnullis cingitur, in ulcus abit, quod ingentem virus quantitatem effundit; hinc quod per reliquum corpus in pustulas abire debuisset virus, magna ex parte per id ulcus effluit; hinc faciei venustas, sensuum integritas conservantur; hinc in artificialibus, tam rara avis est; quæ in naturalibus ob nimiam pustularum quantitatem tam frequenter occurrit periculosa nimis febris suppuratoria. Diu apertum manet id ulcus, ut, quidquid nocivi sanguini fuit affricum, effundat; hinc vix unquam observantur illæ vario-  
larum reliquæ, quæ tam frequenter variolis naturalibus perfunctos affligunt, lenta morte trahunt.



## §. XII.

En inventum illud impium , en methodum cane pejus & angue fugiendam Variolæ naturales cæco quasi impetu in homines ruunt ; artificiales prudenti manu applicantur : illæ latronum adinstar minime paratos feriunt ; hæ non nisi dispositos & undecunque bene armatos aggrediuntur. Egregie quidem jubet celeberrimus de HÆNIUS, (r) ut in primo morbi stadio remedia adhibeantur antiphlogistica , ut totus homo , quoad ejus fieri possit, laxetur, & emolliatur &c ut pro febris intensitate vena secetur : sed quæso ab egregio illo viro , num medicus ab ipso febris variolosæ initio semper accersatur ? num id per varias circumstantias semper liceat ? num, etiamsi vocatus , variolas orituras semper perspiciat ? fateamur, quæ res est , medicus tunc plerumque solet vocari, quando eruptio jam apparet ; id est, quando in supprimendo veneni furore ipsi nulla fere potestas superest : sed esto, statim ab initio febris variolosæ præsens adstet medicus ; esto in cognoscendis & curandis morbis alter sit æsculapius ; nisi simul jovis potestate gaudeat, ipsi profecto aqua nonnunquam hærebit : haud enim sufficit, ut variolas rite noverit curare ; sed requireretur insuper , ut divina potentia præditus , huic gravidæ dicere posset , utero nunc gerere desinas ; huic puellæ , nolim te hoc tempore menstruum experiri fluxum ; quicumque nunc grassamini morbi epidemici has ædes, hanc urbem relinquite ; absit ad hoc homine virus venereum , absit virus scorbuticum &c. dicto citius absint, quæcumque alias tam diuturnum medicamentorum usum requirunt acrimoniæ ; qui prægresso gravi morbo , qui laboribus nimis, qui largiori quadam evacuatione languetis, velim subito ad virus coquendum, expellendum satis sitis roborati ; nec sol alios, nisi temperati caloris , radios in hoc clima diffundat. &c. &c.

## §. XIII.

---

(r) Ratio medendi : de variolis.



§. XIII.

Dixi lethalium variolarum fontes, probavi, quod & quomodo eos avertere possit prudens variolarum insertor; id tribus successive annis egregiis exemplis evicit clariss. GOETZ castelli argentoratensis Chirurgus primarius, juratus in urbe chirurgus; omnes illi sex infantes, quos ipse inoculavit, & quos ego constanter invisi, quorumque historiam in secunda parte exhibebo; omnes, inquam, quam maxime benignas habuere variolas.

§. XIV.

Mirabimini forte, methodum adeo evidenter generi humano salutarem tantopere inter nos negligi & vilipendi; ego vero minime miror; ita sumus comparati, ut optima quæque non nisi inviti tandem, & summa necessitate coacti probemus, eaque non nisi tremula manu hinc inde adhibeamus; quilibet anguem sub herba latere clamat. Ut enim mercurium, ut alia non nulla taceam egregia medicamenta; tantus olim rumor contra antimonium, ejusque præparata undique exortus est, ut publico edicto ejus usus fuerit prohibitus: cortex chinæ, qui satis superque laudari non potest, hic eximius cortex quot & quantos expertus est hostes? maximum germaniæ lumen, tota denique germanorum medicorum cohors egregium hoc medicamentum per fas & nefas diffamare conati sunt; pressi tandem argumentorum pondere, totius fere Europæ experientia coacti febrem inde sisti non negarunt; sed nescio, quos morbos inde oriri finxerunt; quidquod præjudiciis excoëcati, odio contra corticem inveterato excicati, febrem tanquam naturæ conamen, febrem homini maxime esse salutarem plenis buccis clamare ceperunt: quamvis hæc dicta febris plures morti tradiderit, quam unquam ignis & ensis. Idem, plane idem hodie circa inoculationem observamus: omnes mundi partes, integræ in Europa regiones in ejus laudes erumpunt; ejus salubri-



salubritatis fructus colligunt : exsurgunt contra inoculationem magni Parisiis viri (s). Sed strenuos quoque ibidem patronos habet. (t) Ipsa sui optimus est defensor (u) Exurgit contra inoculationem alter in germania STAHLIUS, vir cujus nomen ad remotissimam posteritatem jure merito transfertur ; vir cujus in medicis opera medicorum admirationem alias commovent ; vir denique circa falsam, quam de inoculatione fovet, opinionem eo magis nobis timendus, quod magna inter nos auctoritate polleat. Hinc ultima D. de L'EPINE contra nostram methodum scripta supplementum dicta illi examinanda relinquo, qui priora dicti viri scripta tam mascole refutavit ; & de HÆNII contra inoculationem opera aggredi conatus sum ; nec ea refutare ardui laboris est ; non nulla enim apud egregium hunc virum contradictoria, ubique multum ingenii, nullibi quidquam firmis principiis innixum reperi. Errat profecto circa inoculationem de HÆNIUS : sed quis unquam sine ullo vixit errore ? quis tanto viro unius erroris gratiam non lubentissime faciet ; ipse etiam Homerus quandoque somniasse dicitur. Prelo jam subjectum est opusculum ali-

quod

(s) Vid. *Rapport des six des douze commissaires nommés par la faculté de medecine de Paris &c. lu par Mr. Guillaume Joseph de l'epine &c. les 29. Août, 20, 22, & 24. Octobre 1764.* Vid. *Supplement au rapport des six commissaires de la faculté de medecine à Paris contre l'inoculation de la petite vérole l'an 1767.*

(t) Vid. *Premier rapport en faveur de l'inoculation lu dans l'assemblée de la faculté de Medecine de Paris, en l'année 1764. par Mr. Petit.*

Vid. *Second rapport en faveur de l'inoculation lu dans l'assemblée &c. au commencement de l'année 1766. par Mr. Petit.*

Vid. *Les Mémoires de Mr. de la Condamine lus à l'assemblée publique, le premier l'année 1754. le second l'année 1758.*

(u) Vid. *Gazettes salutaires du Jeudi 2. Juin 1768, & Jeudi 16. Juin 1768.* *L'inoculation de Mgr. le Duc de Bourbon & de la Princesse sa sœur, qui a été des plus heureuses, a donné une nouvelle activité à cette operation & a déterminé quantité de peres de famille à faire inoculer leurs enfans.*



quod gallico idiomate conscriptum, ubi ultimum de HÆNII opus, in quod, quidquid potuit, contra inoculationem con-  
gessit, refutatur; hinc secundæ meæ theleos parti supersedeo :  
verbis interim exhibere paratus, quod scriptis non licuit; &  
brevis circa inoculationem Argentinæ celebratam historia meum  
pensum absolvam.

## §. XV.

Quam illustri cuidam foeminæ anglia, (x) quam tenero matris  
in suum filium amor helvetia, (y) hanc nobili matronæ inoculatio-  
nem debet Alfatia; hæc, si unquam exstitit, fortis mulier non cæ-  
co, uti solent, sed prudenti in suos amore excitata, quidquid po-  
tuit, circa inoculationem legit; veritatis luce, factis indubitatis victa  
noluit suos ea privari, quæ innumeris aliis, adeo proficua est,  
prophylaxi; hinc mentem suo chirurgo D. GOETZ aperuit;  
hic utilem sese reddere nunquam non paratus, iter parisiis insti-  
tuit; ibique maximos hujus artis viros adiit, eorumque per plures  
menses assiduus comes fuit ac discipulus; parisiis redux dictæ illu-  
stris matronæ filium unicum, filiolumque pulcherrimam felici cum  
successu inoculavit: (z) postero dein anno in filio unico celeberrimi  
C mi

---

(x) *Le premier ecrivain du siècle nous a depuis long tems appris, que lady Wortley montagu, ambassadrice d'angleterre à la porte Ottomane en 1717, femme celebre par son esprit, eut le courage de faire inoculer son fils unique âgé de six ans, & depuis sa fille à son retour en angleterre, ou cet exemple fut suivi par plusieurs personnes de distinction. Vid. Mémoire de Mr. de la Condamine lu à l'assemblée publique l'an 1754. Vid. Lettre de Mr. de la Coste sur l'inoculation & écrite en 1723. à Mr. Dodart Conseiller d'état & premier medecin de S. M. T. C*

(y) *Une Dame de Lausanne a inoculé elle même dans l'automne de 1753. un fils, qui ne prenoit point la petite verole de deux sœurs, qui l'avoient très heureuse. Vid. pag. 8. de l'inoculation justifié par Mr. Tissot.*

(z) *Autumno anni 1766. inoculationem subierunt duo nobiles infantes Illustissimi Delord de Saint Victor ordinis militaris Sti Ludovici Commendatoris, castrorum exercituumque præfecti, nec non in civitate Argentoratensi Regis locum te-  
nentis,*



mi hujus provinciæ medici & inspectoris D. RENAUDIN, ac in cujusdam privati filiola hanc suam operationem pari cum successu instituit. Hocce vere nostram methodum celebrem reddidere duo tam stirpe, quam ingenio nobiles juvenes: (a) quis jam sibi honori non ducet, tam illustres, tam prudentes imitari parentes?

## §. XVI.

Harum sex inoculationum historiam exhibere, eo facilius mihi erit, quod hos infantes frequenter inviserim; quid ipsis acciderit, diligenter annotaverim. Nullus ex dictis infantibus periculi umbram expertus est; symptomata variolis propria erant mitissima; per tres ad plurimum dies febre laborarunt; secundo ab eruptione die febris cum omnibus symptomatibus constanter evanuit; plerique incirca quinquaginta pustulis erant notati; unus circiter centum & triginta in suo corpore habuit: quarto, ab incepta febre, die ipsis e lecto exsurgere concessum fuit; ne ullum quidem febris suppuratoriæ adeo in variolis naturalibus periculosæ apud nostros infantes apparuit vestigium; per sex circiter septimanas ulcus apertum mansit. Unus & alter narium hæmorrhagiam, qua antea tam frequenter laborarunt, experti sunt; in duobus circa locum, ubi virus fuit applicatum, apparuit erysipelas, quod eruptione facta sine ullo applicato remedio illico disparuit. Princeps duos ab ulcere pollices furunculum habuit, qui clauso nondum ulcere suppuratus, ruptus & penitus sanatus fuit; nullus non æque bona, imo quidam ex illis lætiori sanitate ac antea gaudent. Et alius quidam hacce in urbe inoculatus fuisse dicitur, quem adhucdum vitam vivere novi, prætereaque nihil. En in genere inoculationum argentiniæ celebratarum historiam; solius Principis specialem exhibeo, ex hac sola cognoscite reliquas.

## § XVII.

---

(a) Prioris parens est illustrissimus Baro de Zuchmattel regii ordinis militaris Sti Ludovici Commendator, castrorum Regis Christianissimi præfectus, ejusque ad Saxoniz curiam legatum agens

Posterior Serenissimi Principis Landgravii ab Hessen-Rheinsfels filius est,



§. XVII.

Hic juvenis valde tener, irritabilitate quoque solito majori mihi visus, ut ex ejus pulsu celeriori annotavi, frequenti narium hæmorrhagia laboravit, si ejus educatori fides. Huic ergo Principi præmissa debita præparatione parvum vesicatorium utrique cruri fuit applicatum, altero die in ablati vesicatorii locum filum virus varioloso imbutum fuit appositum, quod elapsis circiter quadraginta horis pariter fuit ablatum & tenue emplastrum in locum epidermide privatum applicavit chirurgus.

Quarto ab applicato vesicatorio die, nihil adhuc sensit Princeps, exiguas circa vulnera pustulas observavi.

Quinto die omnia bene se habent, octo circiter pustulas ad vulnus cruris dextri, tres aut quatuor ad cruris sinistri vulnus distinguere potui.

Sexto die minus quam antea hument vulnera, pustulæ circa vulnera magis elevatae albescunt.

Septimo die pulsus paululum celerior est, dictæ pustulæ penitus albidæ sunt: albus circa vulnera apparet circulus, circa circumulum rubedo: instare variolas conclusi; hinc versus noctem redux quæsi vi quomodo sese per diem habuerit; prandens, repôsuit Princeps, valde debilis fui, caput gravatum, dolorem in inguine sensi, inde coactus lectulum peti; vultum ejus rubore perfusum, pulsum febrilem reperi.

Octavo die, mane pulsus minus est celer; haud quidem dolet, nec tamen bene se habet Princeps, versus noctem, ut præcedente vespera, febre laboravit.

Nono die parva laborat febris; una in ulna, altera ad commissuram labiorum apparet pustula:

Decimo die adhuc paululum febrilis est pulsus ; satis præterea tranquillus est Princeps ; duodecim circiter pustulas in facie numeravi ; urinam valde turbidam reperi.

Undecimo die vix quidquam in pulsu febrilis detexi ; læto animo est ; pustularum numerus magis auctus ; urina adhuc turbida.

Duodecimo die vultus jam paulisper intumescere videtur, nondum magna vulnerum suppuratio. Viginti quinque pustulas in facie numeravi : pulsus minime febrilis est.

Decimo tertio , nihil in pulsu febrilis , jam incipiunt albescere pustulæ ; egregie sese habet.

Decimo quarto multum suppurant ulcera , decimo quinto adhuc magis ; nulla febris.

Decimo sexto continuant suppurare ulcera : exsiccantur pustulæ ;

Decimo septimo exsiccatis plane pustulis adhuc sat copiose suppurat dextrum ulcus ; tunc sensim sensimque minus suppurare ulcera , sanari, tandem claudi ceperunt. Tunc relicta hac urbe patriam petiit Princeps & ex litteris ab ejus Mentore ad D. GOETZ missis , lætiori eum sanitate ac ante operationem frui patet.

Solo ergo septimo & octavo , ab applicato vesicatorio die ægrotavit ; Nono & decimo die aliquid quidem febrilis in pulsu habuit sed præter debilitatem , lassitudinem nihil expertus est Princeps ; nono & decimo die facta est eruptio, decimo septimo pustulæ jam penitus erant exsiccatae. Tempore suppurationis unam aut alteram narium hæmorrhagiam expertus est , & jam dixi, quod haud magni momenti furunculum habuerit.

